

上清靈寶大法卷之二十三

彩五

上清靈寶大法卷之二十三

彩五

洞玄靈寶法師南曹執法典者權童初府右朝治金名編

章詞表牘品

章乃古式也世之法書隨時不同惟有章
格不容以私意更易也如黃籙齋則自來
用五通章并朱表也曰素車白馬章破豐
都拔罪章開通道路章沐浴鍊度章升度
亡魂章近有更易移動其格者矣師傳舊
式非可移時故從古式也

素車白馬章

上清靈寶法錄職位臣某誠惶誠懼稽首頓
首再拜

上言臣聞薦資幽爽遷昇實藉於玄府領告
真符宣布必資於神吏敢伸下悃僭冒
高穹臣謹據某州府某縣某處居住奉

杉五

道某官某姓名開列暨家眷等入事崇建
太上黃籙大齋幾晝夜上資

國祚普福羣生開度七祖靈魂廣拔九幽孤
爽集資善果超度亡某早登道境臣據詞虔
切難以抑違除已備錄奏箋冒聞穹壤恭依

科式建立壇場行道轉經朝真懺謝以今告
行元始符命金籙白簡救苦真符太上勅赦
生天寶籙太上破地獄真符拔幽魂真符東
極青宮九龍符命太一玄冥混元神虎玉劄
拔度亡某等門中七祖父母及諸類孤魂悉

赴齋壇於某月某日宿建皇壇攝召亡爽示
見報應引朝真靈某日清旦正齋闡事三日
普施斛食廣濟孤魂鍊度靈識傳授戒符臣
謹爲上請素車白馬大將軍一人官君將吏
一百二十人玄都茭龍驛吏飛天神人東極

青宮九龍符命使者各一人宣傳符命告下
三官九府百二十曹五帝考官六宮掾吏豐
都宮府考罰職僚五嶽九幽河源泉界五道
都府溟泠大神四瀆三河九江八海黃泉蒿
里九州社令天牢地獄幽關冥路一切王者

彩五

咸領符命原宥亡某等門中七祖父母姻親
及九州分野三途五道萬類四生幽魂苦爽
衆苦咸除出離地獄永辭長夜覩見光明蠲
除罪戾落滅惡根承此功因受鍊更生恩惟
太上分別哀求臣謹因二官直使三五功曹

左右官使者陰陽神決吏科車赤符吏剛風
騎置吏驛馬上章吏飛龍騎吏等官操臣章

上詣

太上三天曹伏須

告報臣某誠惶誠懼稽首頓首再拜

以聞

空三行

臣姓某屬某州某治某處焚修

空三行

太上無形無名虛無自然至真大道七寶金

闕玉陛下

空三行

年歲次 月某朔某日某甲子某時章

文於齋壇中拜上

空三行結尾

彩五

可陋

虛無自然金闕七寶玉陛下

具位姓名

上奏謹封

內函

謹 謹 上 詣

太上三天曹請進

具法職臣姓某謹內封

外函

章文謹謹上詣

三天門下請進

具法職臣姓某謹外封

右素車白馬章舊格如此近世有於請官
之後添入解穢衛壇官將一併請降者又
有易其名爲解穢章者却除去素車白馬
大將軍皆各遵師授或自有已見今此法
中乃師傳舊式也宗匠不同者自從其派
解穢乃有司之事解驅妖穢以候帝真降
鑒不宜請上帝自遣法職解穢也

鄧都拔罪章

上清靈寶法籙某職臣某誠惶誠恐稽首頓
首再拜

上言臣聞衆生積罪自罹冥憲之中大道流
慈廣度泉扃之苦欲昇沉滯須仗恩庥臣謹
據某州府某縣某處住坐奉

道某官某姓 某名入事薦拔亡魂上登道境
臣領詞虔切理合關行除已預錄奏聞尅於
某日宿啓建壇某日爲始開建黃籙大齋幾
晝夜朝真懺謝行道轉經請命頒符攝魂度

化咸令幽顯俱沐生成臣謹爲上請降真召
靈符使降真召靈童子恭請太極真符頒下
東極青宮大慈仁者太乙救苦天尊乞降慈
光普照十方世界北陰酆都六天十洞五嶽
溟泠泉曲考掠冥司一切天牢地獄悉承慈

彩五

四

澤普得寧閑差降救苦真人救苦童子青玄
玉女遍下地獄冥曹幽扃夜府開關赦罪停
苦即使劔刃摧鋒桎梏廢毀罪書沉滅過籍
消鎔執對蠲平冤讎和解擔砂負石之衆漣
以溟波之徒驅雷役電之神運風掃山之鬼

受報償辜之魄穿地引水之龍九先七祖之
魂靈六合萬途之孤爽普停謫役大宥拘囚
度品南宮超離北府斷地逮役注上生名動
植飛沉羽毛鱗甲各安本性咸遂昭蘇恩惟
太上分別哀求臣謹因二官直使三五功曹

左右官使者陰陽神決吏科車赤符吏剛風
騎置吏驛馬上章吏飛龍騎吏等官操臣章
文上詣

太上三天曹伏須告報臣承誠惶誠恐稽首
頓首再拜

以聞

空三行

臣姓屬某治某州某處焚修

空三行

太上虛無自然至真大道七寶金闕玉陛下

彩五

五

空三行

年歲次

月朔

日某甲子某時

於齋壇中拜上

空三行結尾

可陋

虛無自然金闕玉陛下 具位臣姓某上奏謹封

內函

謹謹上詣

具位臣姓某

謹內封

太上三天曹

外函

章文謹謹上詣

具位臣姓

某謹外封

三天門下請進

開通道路章

上清靈寶法錄職位臣姓某誠惶誠恐稽首

頓首再拜

上言臣聞幽途溟漠難逢起濟之緣妙道慈
仁大啓遷昇之典非仗玄穹之惠澤莫弘幽
顯之津梁敢昧宸嚴僭伸下悃臣謹據某府
某州某縣某處住坐奉

道某官姓某列名家眷等投詞入事意修建

太上黃籙大齋幾晝夜攝魂度化尚慮陰陽
關隔魂魄拘沉謹爲上請太上直符使者三
界直符使者各一人齋持太上符命籙章告
下三元九府百二十曹五帝考官四司主吏
北陰酆都內外宮洞九幽萬曹無窮地獄泉

曲河源溟泠水界五道都府九壘土皇地下
土府九州社令五嶽名山洞天幽治考較曹
僚山林孟長天下城隍壇廟神司今年太歲
當境土地正神善惡二部長吏一百二十曹
官天牢地獄冥關幽治一切主者敬聽上玄

彩五

六

符命開關啓路拔罪釋囚係薦某魂附薦某
等及門中宗親并九州分野五道四生萬類
幽靈無極鬼爽各令解脫部衛形魂悉赴齋
壇參朝三寶聞經聽法受戒傳符大昭長夜
之途廣闢冥鄉之路功圓果滿進品仙階違

滯之神冥曹降職恩惟

太上分別哀求

如前結尾

方函可漏並依前式

木函貼黃

臣奏爲某處崇建黃錄大齋請降將吏宣通
告召事伏取進旨

謹按豐都拔罪章并開通道路章皆以廣
度爲主雖齋官追薦專爲一人然普及幽
冥係薦之魂自然蒙有兼地獄之多未易
盡述考掠之具難以悉聞故廣成先生曰

地獄者以其獄在地中故曰地獄考理罪
魂或在城邑聚落之處有陰宮執而理之
亦曰地獄業報因緣經云世人陽罪陽過
則世官理之陰罪陰過則冥官主之謂有
三十六獄又仙戒經謂有一十八獄正一

彩五

七

經謂有八大地獄因緣經又謂酆都三官
有二十四獄諸經所載既以難窮經文所
不述者又何有限極至於金槌鐵杖劍樹
刀山鑪炭鑊湯火車糞穢之類亦經中畧
叙其可畏之狀以警戒世人使毋造罪故

也若拔罪章中有言銅柱鐵床成寶之具
鑊湯鑪炭成清涼之燈歷陳地獄之狀則
言之終不能盡反使其意不廣如開通道
路章告下大小鐵圍無間地獄等名亦爲
拘泥恐地獄之衆名稱尤未易盡知故允
中所行拔罪章則畧言執對消平冤仇和
解之意而已不復歷數獄具之形開通道
路章則總言豐都宮洞無窮地獄不復悉
陳地獄之名庶使言簡而意深辭省而事
廣蓋陳詞之語決不能盡而幽陰之境名

不可殫故普其辭而總其事則凡有地獄之所咸被宸恩應罹獄具之刑悉蒙玄宥又何必指其名而後能消罪苦定其地而後可廣齋功耶儻蒙上帝垂慈則無所不度學者正當廣用其心固不宜執泥於淺近也此最爲學道之第一事淺中狹量非開度天人之曾襟也

沐浴鍊度章

上清靈寶法錄職位臣姓某誠惶誠恐稽首

頓首再拜

上言臣聞形神暫滅顧塵累之猶纏魂識散
馳乃靈根之未復非憑冶鍊豈遂生遷輒叩
天闈用摠凡情臣謹據某府州縣某處居奉
道某官某姓某名列名家眷等入事至資度
亡魂超登道境臣據詞虔切理合關行謹率
彩五
法流尅以某日建壇某日修建

太上黃籙大齋幾晝夜轉經行道懺謝朝真
請命頒符攝魂度化普及三途滯爽萬類幽
靈咸沐神津盡消鎔於塵垢皈依道化重假
合於陰陽臣謹爲上請五方五靈童子各五

人解穢官將吏兵各一百二十人浣濯夫人
黃華玉女各一人應時下降請取黃華神水
鍊尸素漿靈腴玉醴甘露金津灌注香湯之
中即使受度亡魂幽爽蕩除陰穢湔濯塵勞
表裏無罪債之根內外消熱惱之垢即令五
方童子上請東方青靈始老真炁哺飴以九
炁之青津南方丹靈真老真炁哺飴以三炁
之丹華西方皓靈皇老真炁哺飴以七炁之
素漿北方五靈玄老真炁哺飴以五炁之玄
泉中央元靈元老真炁哺飴以一炁之黃華

使係鍊一切亡爽承哺飴之恩安鎮魂魄自
生五神又請金剛百鍊千和玉液太白流光
元皇散液解除鬱結驅滌滓穢灌鍊身心智
慧洞明又爲上請陰陽正炁金木靈津給降
丹天世界朱陵火府南昌上宮治鍊官君將

彩五

九

吏下臨壇壇鍊度亡魂開明本性整復形神
更生福鄉永承道蔭恩惟
太上分別哀求臣謹因

空行結尾方函可漏並用前式

允中切聞人之生也血肉成形榮衛所及

則有病痛痒痾道德經云吾有大患爲吾
有身蓋以身爲神之累也近世宋齊丘化
書時我本無害而筋骨爲之害我本無痛
而血肉爲之痛此言實幾乎道矣若一神
旣離百骸皆爲腐土向之所謂肢體傷殘
心腹疾患夫復何在一靈若滯或執對而
拘纏或沉迷而自惑是以反生無期儻本
性之旣明則應時而度化所以太上垂科
之意齋修之旨乃因建立齋功轉經行道
昭明幽翳開悟沉淪而已沐浴鍊度之章

意謂亡魂身經太陰魂拘罪網故欲先消
其塵垢然後聚凝神識假合陰陽重立根
基反生人道其始也人而爲鬼今經上玄
度化則聚其神明乃鬼復爲人託生之時
方有帝君品命九炁生神再造肌膚矣但
恐齋功不足以格天二炁未臨於亡爽而
已若舊來章書請降天醫神藥以療生前
之疾患補續骸肉之傷損則去道遠矣非
獨人之質壞而神不壞兼以天地陰陽之
正炁鍊化亡魂而反生又何慮其神之有

患而不愈哉故今從先師之付傳不敢同俗而超世如所授不同者自從師法允中則不敢越也

昇度亡魂章

上清靈寶法籙職位臣姓某誠惶誠恐稽首

彩五

十

頓首再拜

上言臣聞教恩廣被拔沉滯之遷昇齋福無邊拯幽冥而超濟願垂省錄終賜慈憐臣謹據某府州某縣某處居住奉

道某官某姓某列名家眷等入事意崇建

太上黃籙大齋幾晝夜薦悼亡靈超登仙境
臣已按科教依式宣行闡度係薦魂儀祭鍊
本音宗親及以九幽滯爽既承道力更仗天
恩臣謹爲上請南昌上官司命君司錄君延
壽君益筭君度厄君上生君各一人昇度亡
魂上生南宮定筭玉簡注名金文又爲上請
司馬大神衛房聖母洞陽童子奉爲亡魂玉
眸鍊質黃華蕩形書紫策之生名應朱宮之
品格仰依覆育永遂逍遙恩惟

太上分別哀求臣謹因

空行結尾方函可漏並依前式

按正一指要每十二月分上章則分太上
宮名每日則分宮曹此條正一科條自行
遵用今此章法屬洞玄品格見於上經與
正一異源是謂上清科式兼正一章舊來

彩五

十一

亦已有不用宮曹者惟道門定制集乃今
人定入宮曹爾用之未爲深當况於靈寶
弟子上章於太上道君自來上詣三天曹
而已允中前後以此拜奏章文屢蒙玄應
方敢編續於書非自不曾用而妄以惑世

也學者深詳之

章函

長一尺二寸八分濶二寸八分用古尺

黃絹作袋外封仍用黃羅帕袱包之

章几

如香案狀脚曲用黃羅卓衣覆之四圍

書章

於靜室毋令人往來預期掃潔臨事時以
解穢符用醋炭薰之戒書章表之士必先
沐浴更衣入室書寫應凡章文每行止十

七字上空八分下通走蟻一說作不通走
蟻但字近紙下邊則筆畫易致失落故令
通走蟻爲當每行濶一寸二分紙高一尺
二寸自首至尾行以單數法位前空二行
法位至再拜字作一行上言字平闕臣字
及人名與鬼字死字並不得居行頭生字
不垂於行末以淨絲覆卓然後書之年月
後空三行辭長者則續紙章裁紙剩下者
隨即燒之不得飛落床席地上筆墨以新
潔者不得雜用字涉凶穢者不得居行頭

皆避於行中不得令人見不容婦人僧尼
雞犬猫畜等入章室書章不得言語交亂
寫未畢不得出室爲字未成不得放筆點
筆對章不得高讀以聞低二字平前行告
報下臣字以聞後空三行臣姓低二寸四

抄五

十二

分前具法位而無姓至臣姓處則云姓謂
如臣姓某住某屬某處焚修之類是也蓋
章之前無姓而章中亦止稱臣名而已故
於內間後言臣姓以終牘無姓而於此陳
之也今於此而書臣姓名者失格者允中

先經師高君章本云臣姓高屬徽州祈門
縣紫元庵焚修不係允中之派者自從便
臣姓後空三行太上聖位後空三行年月
結尾凡寫章不隔日填陛下不隔時拜章
日向東夜向北應章文一幅十七行每行
十七字惟黃素朱表每行二十四字餘如
章式古法章官不用六十甲子神入章中
書章以紙隔手不得令衣袖拂章磨墨左
轉四十九轉不以口吃筆不得出口炁於
章上本法當口含香水焚香面北而書章

表書士不得履穢若經涉生死厭穢觸汚
者易其人紙不得破裂字不得漏點畫暑
月不得單衣露體不得據案書字不得挑
剔改抹書成不令人讀不得安于有人往
來處太上聖位端謹作一行書不得拘以

彩五

十三

寸數古法取三寸長若排比其事不下反
致不端陛下二字不細注只以謹楷為貴
宣章副本仍敷露正章於御前以筆置聖
位之右龍頭書刀置於聖位之左法師長
跪於科案遣章畢香上度過緊卷入內封

誦開函呪入函入腦子沉香以青絲三過
繫之舊用蠟印實蠟不潔今止用糊粘印
繫絲處封之次入外函以付侍香法師存
伏行持如式

章信鎮絲

天子用匹數

公侯以下用丈數

庶人用四十九尺

錢 壹萬貳千文

祿米 壹石貳斗

油 壹斗貳升

香 五兩

紙 壹百幅

筆 大二枝小三枝

墨 三笏

硯 貳枚

金魚 壹枚

玉鴈 壹枚

龍頭書刀一口 長六寸以銅鐵為刀銀半兩為龍頭

鹽 壹斤

豉 壹斤

柴 五十斤

炭 五十斤

淨巾 二條

命信 各隨年庚

科曰拜章備信證質誠心若心希功德而
恡惜財物即神明不納若為寒棲之士貧
乏之家則師為代之

章關

靈寶大法司

當司今為某崇建

太上黃籙大齋幾晝夜祝

國安邦濟幽利顯以今依

科拜進某章一函謹謹上詣

彩五

三天門下上奏須至關者

右關

十四

齋章某官將同進章諸從事二官直使三五
功曹左右官使者飛章從事五帝直符十二
時直使者陰陽神決吏科車赤符吏剛風騎

置吏驛馬上章吏飛龍騎吏等官千乘萬騎
官君將吏請捧章文上詣
天闕以時進

奏毋得稽延星火施行故闕

年歲次 月 日 時關

具法位

章官獻狀

齋官姓某 謹備

元始靈書中篇一幾本

雲馬

金錢

右謹具狀上獻

三元唐葛周三將軍

三天門下上章詞表靈官

三天門下引進仙官

法中飛章從事促炁靈官

彩五

錄章呈章齋章從事

左右官使者

十二時直使者

科車赤符吏

驛馬上章吏

十五

三五功曹

五帝直符

陰陽神決吏

剛風騎置吏

飛龍騎吏

十二書佐小吏

甲子諸官吏

章中千乘萬騎將吏

伏惟

聖慈俯賜

采鑒謹狀

年歲次

月

日齋官姓某上狀

黃素朱表

廣成先生科中全文每行二十四字發

表不用關文

具位臣姓名誠惶誠恐稽首頓首再拜

上言

太上無極大道至真自然金闕七寶玉陛下

臣等猥以下愚謬參大法功無塵露蒙重
立山俯仰慚惶形魂罔措臣誠惶誠恐稽
首頓首臣等實謂凡微幸藉前福叨逢妙
化欣荷逼情既忝玄司職主救度雖稟性
庸瞽參學昏蒙誓罄丹誠服膺妙訓見義
思勇日夜切心因緣所值敢不以聞今有
某州某府縣某處住坐奉

道某官姓某列名稽首列詞伏聞無上正
法黃籙大齋解除生死先世今身心口意
罪上資帝王下及羣品保國寧家禳災却

害增延福壽解釋愆非拔度九玄七祖一
切幽爽濟度存亡惠澤普加謹齋十方金
龍鎮信本命紋繒香花油燭供養之具證
質丹心奉詞以聞因臣等行道懺悔首謝
宿世衆愆斷絕殃咎集茲善果濟度亡基

彩五

十六

超登道境言詞丹切理合申騰臣謹率道
士一壇謹依下元黃籙簡文靈仙品格擇
就某處建壇設玄科之式法天像地以某
所齋金龍繒綵施鎮十方祈天請命救度
存亡共相警勵洗心淨念歸命至真所祈

所願修建無上黃籙大齋幾晝夜九時朝
謁十遍轉經自某日爲始立齋闡事至某
日滿散修設謝恩清醮三百六十分位謹
即言功解壇將投龍於山水丹書權劄以
奏言於靈壇拜表上聞九天伏惟

太上無極大道元始天尊大上道君太上老
君太上丈人無上玄老十方自然靈寶天
尊已得道大聖衆至真諸君丈人大帝天
帝天師若玄中大法師曲鑿所奏垂憫丹
心如蒙上御乞勅典者宣告十方五老上

帝五嶽真仙三官九府十界真靈拔度亡
某及本家九玄七祖有緣無緣冤親平等
一切幽魂並令開度得出長夜九幽之中
昇入南宮冠帶枯骨反骸生華轉輪漏盡
化生福門所在土地榮衛屍形精神返舊

彩五

十七

與景冥合齋主某前生今世一切罪咎並
乞蕩除和釋冤對度厄消災延生保命存
亡開泰眷屬安寧上願七曜玄明二儀永
固六合清靜帝祚延長陰陽調和九穀豐
稔疫毒永殄善瑞日臻國富人安天下太

平克保元吉永遇道恩謹遣所請天仙兵
馬真人兵馬地仙兵馬日月兵馬星宿兵
馬五帝兵馬三河四海兵馬五嶽四瀆兵
馬各九億萬乘臣等身中各人所佩三洞
四輔經籙法中真仙將吏靈寶官屬監齋
直事三五功曹左右官使者侍香金童傳
言玉女五帝直符傳言奏事飛龍騎吏飛
章從事章中合屬官君將吏降真召靈符
使降真召靈童子太上直符使者三界直
符使者玄都茭龍金龍驛吏素車白馬六

將軍官君將吏沐浴解穢官吏南昌上官
鍊度官將神虎攝召將吏玉女神兵正法
諸部同力追魂攝魄合干將吏城隍社令
守宅將軍此間土地里域真官正神三界
神祇監壇神將應係監臨衛護宣通召命
營衛齋事有功勤者一切嚴裝隨臣表文
上詣玄都列受功賞謁言仙宮進品上真
加崇爵秩隨品署真高下等級皆令增進
一如太真之儀臣等學法未備俯仰失儀
進止犯科不合儀格恐四司所糾五帝所

執千愆萬罪乞蒙赦宥哀憐未悟不見罪
罰臣等身中五體真官受功事訖各還臣
等身中官府使臣學道得道求仙得仙永
為真人同三光煥燿與五炁長存恩惟

太上衆尊分別哀憐臣謹因二官飛仙直

彩五

十八

使三五功曹左右官使者陰陽神決吏科
車赤符吏剛風騎置吏驛馬上章吏飛龍
騎吏天仙騎吏各二十四人操臣表文上
詣

太上三天曹伏須

告報臣某誠惶誠恐稽首頓首再拜
以聞

空三行

臣姓某屬某州某處焚修

空三行

太上無形無名虛無自然至真大道無上元
尊金闕七寶玉陛下

空三行

年歲次

月朔

日甲子

時表

文於齋壇中拜上

右朱表謹按廣成先生曰用細熟黃絹六尺取其末幅硃界硃書每行二十四字第
一行名銜至再拜盡一行至上言字平闕
獨占一行生字不得居下鬼死字不得居
行頭每行之終不得抽破人名臣字亦不

彩五

十九

得居行頭一如章法不得挑抹塗改僂字
添注損污等唯須精心且人間奏表尚須
謹楷精細况奏於天真豈可輕忽乎若不
然者但恐天司譴責拜表不達反獲罪咎
安能感通

太上聖位臨時法師自書以二十四分內取
盡蓋古人純質絹皆界行而書之允中尚
見前輩法師守古法界行也近世絹亦薄
紙背過庶可操露先師只用十分厚潔黃
紙書之尤便用絹固是古法但焚化之時
反有絲縷之炁不復界行矣獨此表則官
君將吏隨表上詣天廷故不用關文只於
散壇科中就拜且黃素一表世人多欲遵
用廣成先生成藁殊不知古人崇建大齋
詞旨必先祝君保國而後己身重於廣度

而及亡靈故始終之意一貫則此表可用也近世建齋保安則惟切切於一已不及福國而康時薦亡則惟汲汲於亡靈而不意於普度爲高功者亦隨順齋主之意切切乎慮齋福爲人所分故黃籙五章近時絕無保國祝君之辭且輕於普度之旨直至朱表而用廣成之格乃與前五章頗相背馳豈非欺天乎允中所述章文則僅存古意故用此朱表可以相安若止於用趨時之章書順媚齋主之詞旨則此朱表大

不宜用兼高功素無及物之懷及修齋之時惕惕驚懼惟恐稍拂齋主之意慮其續有齋修則不復見招趨承不暇又安敢喘烝於齋主之前也欲其辯析是非敷陳正典又其難矣古人齋修而施財散寶廣濟

彩五

二十

幽冥一則釋其鄙吝之心二則上不忘

君中度九祖旁及黎庶普福寰區三則廣度五道四生三途十類至於鳥獸草木俱被齋功以此而保家保身則福壽無極以此而薦親度亡則超升可期為齋主者儻

聞允中之愚論亦必能少廣其善心惜乎
主行之士每對齋主惟恐奉承之不暇未
敢舉此意也允中尋常備負主行齋醮悉
以此旨而行之齋主亦未嘗固執私意同
學之士更能少安分義爲教門自重毋被
星粟施利所拘而極其折腰下禮亦教門
之幸也大抵財物得失係乎宿緣貧富窮
達自有定分枉尋而直尺甘言而求用實
徒然爾

